

L' ISTWÊRE, AVOU ON GRAND « I »,

n' èst todi k' mày l' idêye k' ène sakî s' è nn' a fait èt sicrîre s' prope istwêre dsus dès momints k' au mia il a viké, èt k' pus sovènt il a, à pwinne, oyu cauzer, dzos ène roye di lumère donêye. I dit s' vèrité mins, minme dissus plaeece on n' vwèt nén todi l' vrêy. C' èst ptète drole, mins on vwèt c' k' on vout bèn vîre èt on n' si rimimbère li mia ki c' ki nos arindje. Kand c' èst dès djins k' on djôze, c' èst co pîre ! I gn' a lès cias ki sont « grande gueuye » èt lès « grandiveus », lès cis k' ont a plêjhi à xhoûter èt ls ôtes à shûre. Lès « ptits » ki devègnut « grands », lès « grands » ki, tot conté tot rabatu n' sont k' dès ptits. Lès « rècréstés » k' on riwête di hôt, lès ptits k' ont moru sont

pus grands ki d' leû vikant... Combén d' noms « propes » à n' lèyi k' on mannèt lomaedje finichant pa « isse » ? Pètènisse, itlèrisse, poudjadisse (k' on î sondje, pont d' degrelisse ?), stalinisse... ? I gn' a lès bons « tchèriyeus » lès « ènondeus » d' on tins k' is finichenut à n' pus bèrwèter k' do tot puwant bigaud èt k' on vourève lèyi à todi dins lès « roviyètes » di l' Istwêre ? Èt adonpwî vola k' on s' mèt à niyî, noyî èt riscrîre cki s' a

passé : « C' n' èst nén come on vos l' avève dit, savoz. Vosse blanc ton ni l' èstève si tant k' ça. C' n' èst nén k' il èstève nwâr, mins i satchève dsus l' gris... » « Dès mwârts ? Oyi, mins nén tant k' ça ! » « Lès morus ? Branmint d' pus k' is n' l' avîne riconxhu ! » Dins lès ritoûrnaedje di tayas (Savèz bèn, po fé ène buwêye d' mwinsse. Minme k' on l' a polu fé po lès tchimîses. Vos sovnèz nén d' Zabèle èt di s' coleûr ?), vola k' Polèyon III, l'



I n' vos faut nén vos èwarer, on comèle èt maxhe todi lès moudêyes di sicrîjhaedje

Lowi-Polèyon spoté di « pitit », èstéve pus grand k' Totor Ugo l'a volu dire. « *Bon, bén s' il a tapé djs l' Rèpublike, c' èst passk' èle n' èstéve nén si démocratike ki ça. Èt kwè ? Après tot, ça n' a fait ki 400 tuwés. Gn 'a dès ôtes k' on fait Bén Pîre, èndd' don. L' danse di Sedan ? L' cine di Waterloo èstéve-t-èle pus bèle ?*

Popolèyon III a rabèli l' France, fé crèxhe dès beas batimints, rarindjî lès cosignîs rabaxhemints d' 1815, doviè dès voyes, lès pwates po l' comèrce, rènonde lès industrèyes èt lès bankes, rashoné lès bias èsprits d' l' Urope... »

Bon Bén, si ça vos fait glèter, lijhèz don « **Napolèyon III**, da Pîre Milaz, amon Perrin, èditéu.

C' N' ÈST NÉN PO DÎRE, mins l' gros Lèyon s' avéve fait mète ène tchofe è s' mouzon (ène miète come Li Pén), ptète ki va fini pa s' trover sakants à s' rècrèster amon nos bons « co-vijins ». Kwèki, si, amon nos ôtes, on « rafiyeu » (yink k'a do « tcharisme » ?) vinéve à rèxhe do tropia, on s' dimande si...

ON VA VÔTER.

Après ça va nos mia d' aler. A ck' on nos dit, todi...

C' n' èst nén po dire, mins i gn'a dès cayèts ki nos porîne fé rire mins si... gn' avéve nén d' kwè ! L' **CDH** fait s' djeu èt critique à rlaye. « *Pokwè l' Walonîye a pièrdû dès pèkêyes d' botikîs dsus l' tins ki l' Flande è wangnéve ?* » s' plind Jowèle Milkèt tot roviand k' pou fé s' rèclame èle a fait vinu on fotografe pârisyin k' a satchî dès beas portrèts. A crwêre k' amon nos ôtes i nd' a pont à ièsse asèz bon ! Odobin, nèlu d' *umanisse* à s' môde ?

Èle dit èto « *Vôter po l' PS c' èst tinu l' MR au pwêr. Vôter po l'*

MR c' èst tinu l' PS à l' plaeece ! » Vout-èle dire k' èle si vwèt wangni totes lès tchèyères èt tot mwinnner sins pont d' aspouye ? Avou l' **CDH** tot va d' aler mia... kwèki po wêti à « trover l' Nord » po l' èconomèye del Walonèye on a dèdjà dècidé d' ratinde deus ans !

TANT K' ON Î ÈST. Po cki èst do **RWF** èt dès plaeces k' on nos a promètu po ovrer, si on s' avéve (pus rade) ralaxhî à l' France, pinsèz k' on aréve polu profité d' l' ûzine ki Peudjot s' adjincnèye è l' Tchèkoslovakèye ki lès ovrîs î sont payîs « ène miète » mwins k' avaurci èt minme dins *ch'nôrd* ?

PO ECOLO, c' èst po dimwin ki faut roter. Wêti à n' pus rixhandi l' êr, di n' pus poluwer, di n' pus lèyî prautler mwê lès vatches -c' èst do gâz k' èst nén bon po l' atmosfîre- rèstrinde l' uzaedje dès otos èt dès arèyoplanes, fé payî lès sipaurdeus d' mannèstés... C' èst fwârt Bén tot ça mins po cki èst d' « Kyoto », l' Walonèye a d' l' avance dsus l' Flande k' on (nos) l' va minme diskèrdjî d' ène paurt di s' kèdje... Mins, èt l' Tchine ki, po cki èst d' poluwaedjes vont fé Bén mia k' nos !

SIL' TCHALEÛ CONTINUWE

d' monter, on va t-ariver à 8 ° d' pus viè 2350. 1000 ans après on va polu d' aler passer sès condjîs au solia do Groenland ki sèra ridivnu vèt. Pus tant k' ça à ratinde, mins, si on voléve s' î mia mète...

ON PRIND

NOTE :
L' VLD, l' CD&V èt

l' N-VA n' vont mây colaborer avou l' Blokia ! C' èst ck' is dîjenut. Wazèriz wadjî ? **Dêrinne munute : Mathias S. a dèdjà kandjî d' idèye !**

DIMÈGNE 25 D' AVRI 2004. Trote do Front Anti Fachisse 700 djins ont roté à Brussèle. Po l' madjorité s' èstéve dès francofonés...

ÇA VOS DIT ?

Momo Lipins va, parèt-i, tot seû, mwinnner Fortis. Maugré tot, il a kèrdjî on inglès « tchèsseu d' tièsses » di lî trover (come po ène èkipe do djeu d' bale au pid) kat intèrnacionaus d' aspouye. On lès va payî, chake, 130.000 Uros l' an. Èsse tchèr payî po passer 40 (karante) èures dins lès consèy d' administraedje èt 20 (vint) èures di raploû dins leûs comités èt l' tins ki faut po ls adjincener. Vs alèz dire k' c' èst branmint d' ovraedje dsus ène samwinne mins, k' dsus on mwè, ça va. Èt si on vos dit ki c' èst l' tins d' bouye dsus tote ène anêye, alèz-v' vos mète dsus lès rangs ?



I n' vos faut nén vos èwarer, on comèle èt maxhe todi lès moudèyes di sicrîjhaedje